



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Instituitur à Nicolao Eschio sanctissimè.

urn:nbn:de:hbz:466:1-41515

iam nec ingenij culturę, nec morum cōmoda esset
in patria cōmoratio, Coloniā missus est, vt procul
à raptoribus horarum bonarū domesticis, & soda-
liū corruptela, sub idoneis Magistris vtraq; excole-
ret, ac perficeret. Plus annis decē mansit Coloniæ,
non tamen sine interiectis subinde peregrinati-
onibus. Primis annis domicilium apud aureos
Martyres habuit, in hospitio venerabilis Theologi
Andréæ Barduik. Magistrum autem, ac Patris loco
diuina prouidentia, quasi Ananiam Paulo præpa-
rarat Sacerdotem haud indisertum, sed eundem
probatissima vita Nicolaum Eschium, iis maximè
deditum studiis, quæ animū ad diuina sustollunt,
& Theologia mystica continentur. Quo in gene-
re conscriptas ab eo postea exercitationes quasdā
Spiritus, cum bona operis, & autoris commenda-
tione Laurētius Surius euulgauit. Hic & sua spon-
te ad morum magis, quam ingeñorū expolitio-
nem intentus, & inuitatus bonitate adolescentis,
multò enixius meliorem illam magisterij partem
ad virtutis cōformationem exequi cœpit. Assidu-
us lateri adhærebat simul innocentiae custos, si-
mul perfectionis Euangelicæ sator. Simplici, inte-
groque pectori, quasi nitidæ membranæ, puræq;
tabu-

*Institutus
a Nicolao II.
schio sanctif-
fici.*

tabulæ dictata inscribebat, atq; decreta Christi. Insu-
surrabat identidē, atq; ingerebat auribus carmi-
na huiusmodi, seruire Deo regnare est. Sola salus
seruire Deo, sunt cetera fraudes. Si Christū bene scis
fatis; et si cetera nescis. Adhæc iubebat quotidie per
legere caput ex diuinis Euāgeliis, & illustrem inde
sentētiam, quam eo die meditaretur, memoriaq;
deinceps custodiret, excerpere. Aliorum quoque
piorum codicum apposita lectione, præcipueque
sanctorum hominum exemplis imbuebat. Po-
stremo (quæ certissima est, eademq; molliissima,
& compendiosissima via docendi) sua ipse vita di-
es ac noctes illustrem ad quæuis decora præporta-
bat alumno facem. Non aliter, atque facilis cera,
ac mollis argilla sequebatur Petrus manum fin-
gentis: sensimque in imaginem pulcherrimam fi-
lij Dei figurabatur. Dogmata fidei sanctæ in dies
acrius illustrabant mentē, & magnifica spei Chri-
stianæ promissa vehementius excitabant; quan-
tumque cælestes illæ virtutes fidei, speique robo-
rabantur, tantum mundi amor ac timor euilesce-
bant: euangelica verò præcepta, & consilia calcar
fortius, ac desiderium impensius bonæ menti ad-
iiciebant. Vsq; eo, vt non misericordiæ solum, sed
&